



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02- 31-5-622/13  
Datum; 10.04. 2013. godine

Na osnovu člana 30. Statuta Općine Tešanj („Službeni glasnik Općine Tešanj“, broj: 11/07) i Odluke Vlade FBiH, V broj: 804/09 od 29.10.2009.g. („Službene novine FBiH, broj 71/09), i Zapisnika o primopredaji nekretnine označene kao „Pilićarnik od 17.01.2013. godine Općinski načelnik Općine Tešanj, objavljuje sljedeći

## **PONOVLJENI JAVNI POZIV**

### **I PREDMET JAVNOG POZIVA**

1.1. Predmet javnog poziva za iskazivanje interesa za korištenje zemljišta na lokalitetu označenom kao k.č.br. 225/1 i k.č.br.225/2 i objekata površine 1159 m2 zv. „Pilićarnik“ upisani u PL.br. 619 K.O. Džemilić Planje, što je prema starom premjeru odgovara k.č.br. 327/2 i k.č.br. 327/3 upisane u zk.ul.br.11 K.O. Džemilić Planje, Općina Tešanj, u svrhu proizvodnje pilića.

1.2. Lokacija: Područje mjesne zajednice Džemilić Planje općina Tešanj.  
Zemljište i objekti koji su predmet javnog poziva se nalazi na udaljenosti 8 km zapadno od Tešnja i proteže se pored lokalnog puta Oraš Planje-Džemilić Planje.

1.3. Zemljište i objekti koji su predmet javnog poziva dodjeljuju se na korištenje na period od 5 godina od dana potpisivanja ugovora između ponuđača i Općinskog načelnika.

### **II PRAVO UČEŠĆA**

2.1. Pravo učešća na javnom pozivu imaju sva pravna i fizička lica registrovana za obavljanje djelatnosti proizvodnje pilića.

### **III PRIJAVA NA JAVNI POZIV**

3.1. Prijave na javni poziv podnose se Službi za katastar, urbanizam i imovinsko-pravne poslove Općine Tešanj.

3.2. Odluku o izboru ponuđača donijet će Općinski načelnik, nakon što Komisija za otvaranje i ocjenu ponuda izvrši pregled i ocjenu pristiglih prijava.

3.3. Da bi prijava na javni poziv bila kompletna, ponuđači su dužni dostaviti sljedeću dokumentaciju:

- Kopiju obrazaca sudske registracije privrednog društva, odnosno kopiju rješenja nadležnog organa kojim je fizičkom licu odobreno obavljanje djelatnosti,
- Program kojim se predviđa najbolja namjena i način korištenja postojećih objekata i zemljišta u svrhu proizvodnje pilića (broj predviđenih radnih mjesta, iznos planiranih ulaganja),

- Izjava ponuđača da će se objekti koristiti namjenski, te da će se vršiti samo unutrašnje uređenje postojećih objekata,
- Cijena koju ponuđač nudi na ime korištenja postojećih objekata i zemljišta.
- Bankovna garancija ili izvod banke iz kojeg se može vidjeti da zainteresovani subjekt posjeduje potrebna finansijska sredstva.

3.4. Prijave se dostavljaju u zatvorenoj koverti na adresu Općina Tešanj, ul Trg Alije Izetbegovića broj 11., putem pošte ili na centralnoj pisarnici Općine Tešanj. Ponuda mora biti kovertirana sa naznakom: „NE OTVARAJ“- Prijava na javni poziv- „PILIČARNIK.“-Džemilić Planje.

Za dodatne informacije zainteresovana fizička ili pravna lica mogu se obratiti kontakt osobi: Medarić Nadiru putem telefona broj: 032/650-022

Obilazak predmetne lokacije može se izvršiti uviđajem na licu mjesta uz prisustvo predstavnika Općine Tešanj, Medarić Nadira.

3.5. Javni poziv ostaje otvoren 30 dana od dana objavljivanja u sredstvima javnog informisanja.

#### **IV KRITERIJ ZA ODABIR NAJPOVOLJNIJE PONUDE**

4.1. Pristigle prijave će se vrednovati na osnovu elemenata iz:

- Programa kojim se predviđa najbolja namjena i način korištenja postojećih objekata i zemljišta u svrhu proizvodnje pilića,
- Cijena koju ponuđač nudi na ime korištenja postojećih objekata i zemljišta.

#### **V OTVARANJE PONUDA**

5.1. Otvaranje ponuda izvršiti će se nakon isteka roka za dostavljanje ponuda od strane Komisije koju imenuje Općinski Načelnik. Sve ponude trebaju biti dostavljene u predviđenom roku i sa svim potrebnim dokazima za učešće na javnom pozivu. Neblagovremene i nepotpune ponude neće se ni razmatrati.

Sa odabranim ponuđačem će Općinski Načelnik zaključiti pismeni ugovor kojim će se regulisati prava i obaveze, a nakon dobijanja saglasnosti Vlade Federacije Bosne i Hercegovine.

#### **Dostavljeno:**

1. Oglasna ploča Općine Tešanj,
2. Web stranica Općine Tešanj,
3. TV Smart,
4. „Antena“ Radio,
5. Radio Tešanj,
6. Info pult,
7. Služba za katastar i imovinsko pravne poslove,
8. Općinsko pravobranilaštvo,
9. a/a.



**OPĆINSKI NAČELNIK**

Mr. Sc. Suad Huskic, profesor